

御製衣詩初集

卷三十九  
至四十一

HARVARD COLLEGE LIBRARY  
FROM THE  
HARVARD-YENCHING  
INSTITUTE

13 OCT 1 1928

CHL 5430.2.424  
5531/320

T5476.3/83

御製詩初集卷之三十九

古今體八十二首 丁卯三

盤山十六景

靜寄山莊

人生而靜儒者之言也人生如寄達士  
之旨也山以靜為體其寄於天地與人  
之寄於山等觀山以觀我生其體不二  
故其寄也恒主乎靜

秀木千章蔭疏峰四面羅經營成不日伴奐



詠卷阿  
藻繪無須  
亟林泉  
豈在多  
肯堂遵

祖儉是處潤較避暑山莊僅十色養奉

慈和繞砌栽紅藥  
開畦灌玉禾  
萬緣歸靜寄

隔歲一相過

### 太古雲嵐

當山半隨高下為樓館  
殿室取唐庠山

靜似太古顏之山中出雲頃刻萬態人

知今之雲不同於昨  
豈知伊古以來無

日無雲未嘗少異雲  
無古今山無古今

萬事萬物無古今  
曷似之云乎

窓納田盤萬景全  
宜人暮靄復朝烟  
臨虛標

秀琴書潤因迥為  
高坐卧便適可成  
圖添粉

本偶然得句勒崖  
巔批黃稍暇無餘  
事靜讀

鶴林玉露篇

### 層巖飛翠

入山逾深所見逾  
遠千巖萬壑烟鬟  
翠

螺環列几案靜寄  
此間頗能盡攬茲  
山

勝概山水有靈不  
當驚知已於千古  
耶

夏屋枕崇榭林霏互吞吐徐無無不佳是惟  
最佳所雲起樹中間泉分山四宇蒼蔚鮮定  
容變幻乃爾許俯仰接諸天時時落花雨

清虛玉宇

山莊東少北傑閣園構是為上清碧虛  
玉帝之宇道家者言姑弗深考天在山  
中其有得於大易之旨歟  
地切清虛安玉真堯峰孤迥若為鄰行來禹  
步何常慣却是遊仙天半人

鏡圓常照

環山皆寺也其在山莊西繚垣之內者  
於古無名雖不足當鹿苑鴈堂之鉅麗  
而於此作佛事即是者閣岫山

戶有白雲封庭餘古樹濃何須參寶積藉以  
續山容瑞相標圓月禪心定毒龍招提隨望  
是互答六時鐘

衆音松吹

水石間鏘然成韻為環珮為琴筑為笙

竽鐘磬泠泠盈耳至清飈一過或長風  
號空為驚濤為鸞鳳嘯漆園氏所謂天  
籟意其是歟

伏流飛瀑渾無定此獨松間匯小池已覺地  
琴清越矣更兼天籟始終之忘機徐聽韻盈  
耳得意閒憑綠暎眉正是八音繁會處高山  
何必待鍾期

四面芙蓉

山中一盤一曲一澗一石各具奇勝而

遠觀秀絕莫如諸峯就岑蔚處為亭四  
望霞表層湧疊出圍合若屏障李青蓮  
於九子匡廬皆有芙蓉之目信其工於  
體物

芙蓉朶朶標銀漢恰似香鑪日照明千古名  
山以人重田盤匡俗兩先生

貞觀遺踪

山以石為體有在南澗中者曰瞭甲相  
傳因唐文皇征遼得名貞觀去今千餘

往集言不集  
卷二十九  
年石不泐名不滅得失之圖可弗審諸  
巨石當其垠苔泉灑清泚遺蹟傳楷模在彼  
不在此

天成寺

自宮門西行越蓮花池循山澗北上三  
里許曰天成寺寺門有樓下瞰山麓如  
深巷屈曲磴泉苔石歷歷可數遠眺林  
巒攢簇天成圖畫或曰盤山圖經稱四  
正山四山迴合天然城郭故舊有天城

之名

憶我初度遊上盤問津原自天成寺是時秋  
老變山容霜楓古柏紛丹翠坐我江山一覽  
閣成詩聊寄烟霞意雲罩萬松高絕處慮不  
勝寒迴六轡從茲結習鎮相縈頻年便道輒  
停蹕叶攀躋涉歷既經慣幽者畢探遼者至  
得愈多愈不忍置更虞奔走勞執事因之卜  
築擇佳勝雕斲不施敦簡易朝往暮歸樂無  
窮得路安能忘所自繫余惕若廟廊者豈宜

耽適山林致田疇大隱倘可招勤政咨諏共  
圖治

萬松寺

山外石而中膚松生石罅或偃或歌或  
橫出或倒懸或屈曲夭矯或竦特直上  
負竒鬪異古秀不可名狀昔人遊盤山  
謂山之勝松為最良信

蒼翠復清臞仙山別一區誰知圓覺佛也愛  
老成儒以石為胎古因風泛籟紆此間來亦

屢興會幾番殊

舞劍臺

萬松寺西一逕陟絕緣藤上北岡為李  
靖菴菴西為舞劍臺石盤陀高聳平敞  
足展襟抱

澗看玉室抽泉是霜鋒淬秋風驕然鳴想見  
英雄概

盤谷寺

盤谷居盤之中羣峰屏繞山泉潑下匯

流為一逆折而西又名青溝居人謂之

上甘澗

繚谷一盤一曲精舍三間五間翠雨飛時林  
靜白雲開處僧還暫遊宛探月窟到此可破  
天慳珍重韓愈李愿曾否烟磴躋攀

雲罩寺

挂月峯巔浮圖矗峙天際曰舍利塔寺  
居其側雲湍然若擁若覆自下觀之或  
見雲不見寺而寺中或不復見山云

山雲罩寺寺生雲形色誰能與判分恰似拈  
花便微笑說無說處不聞聞

紫蓋峯

一峯踞中臺圓峭離立單樹秀澤蔚如  
華蓋諸峰駢羅若拱而伏於形勢為特  
尊

鼇柱千秋鎮太寧諸峰拱伏儼來庭疇人試  
問應難測華蓋垣中第幾星

千相寺



祐唐寺建自開元相傳有尊者挈杖遠  
至下有澄泉見千僧洗鉢因刻千像谿  
谷間東坡詩溪聲便是廣長舌山色豈  
非清淨身刻像大是鈍置

何來龍象侶說法禮山神即景欣幽託隨緣  
悟靜因門迎松落落路轉石磷磷千相即非  
相誰容辨假真

浮石舫

山中雲氣鬱勃瀾漫浩浩如雪海峯巒

出沒其中如烟檣乘風上甘澗東北峯  
頂有石如艨艟萬斛當雲起時幾欲駕

飛濤凌溟渤矣

孤撐不繫幾千秋雲海波瀾任拍浮學士小  
哉惟識畫將軍往者漫稱樓武陵舍處今溪  
口靈鷲飛來古渡頭放眼縱看天以外覆杯  
何異芥為舟

盤山松竒秀不可勝紀偶寫虬枝以誌  
一齋鼎味口占率題

得集言不集 卷二十九  
記得萬松寺當門阿那株偶然為放筆所喜  
不相殊

再用舊韻題黃子久富春山居圖

間氣所鍾必也悠久如彼松柏夫豈蒲柳名  
詎有定繫乎人口定者存焉謀邑則否繫我  
好古圖左史右富春山居石渠暎玖問自何  
來畫禪所有為堂為霍為嶠為阜或宛而隆  
或放而走有樹風生有澤虛受三疊識言愛  
忘其醜爾因我傳我以爾壽

白澗行宮對雨

入夜通晨晚復連閒庭淅淅草芊芊春霖似  
此希曾見野景從茲倍可憐歸鳥覓巢梳濕  
羽征鴻遵渚叫寒烟一犁大地農夫樂衛士  
休嫌阻客鞭

鬢髻山

鳴梢蘭磴迥點筆綺牕虛秀野春雲合單柵  
曉景舒水如銀匝山是紫芙蓉柳態籠烟  
際桃姿過雨餘暫來欣攬結欲去更躊躇綠

御集不言不集 卷二十九  
字前秋詠還如昨日書

過順義縣見春耕者

驅車度薊州舉目瞻晶陽東郊舉趾者犁翻  
塊壤黃佈種慮愆期望兩予心忙是夕宿山  
寺桃花寺行宮離薊州二十餘里微雲掩月匡霏霏作密雪  
鋪地二寸強京畿曾否霑中夜頻思量馬蘭  
迴法駕靜寄臨山莊縱云耽習靜民事邾可  
忘田盤待曉發更獲喜異常入夜復連朝時  
雨垂天漿今朝過順義耕作紛相望脈起土

含膏沃若麥抽芒誰知往返間憂喜恰相當  
自慰還自戒三春日正長

豐澤園演耕

霽霽光烟向遠低演耕豐澤耀臺西今年却

先春三月耕藉常行於三月今前日欣霑兩

一犁緬想

芳刑土農重也豐澤演耕自始行之後遂以為例皇考仰承渥

澤志欽子上林太液增新景黛耜青箱湊好

題

清明

幾曾改火有新烟故事猶然此日傳節屆薄

寒輕暖際興留山郭水村邊近過白澗有窮

清明時節雨北方常覺鶯花晚今歲纔知景

色鮮却為清齋踈宴賞先農寅祀重祈年

題王孟端齋宿聽琴圖

雅會瀛洲翰墨筵琴心何論有無絃相於明

月清風際只在高山流水邊佳話適然傳此

日彈章偶未掛當年齋宿應徹縣而諸公撫

者流之鼓舌搖唇耳柯亭劉井經遊處前年曾幸翰林

景宛然恍悟翩翩作者賢鄒緝記圖中齋宿

亦與

余既辨明富春山居為大癡真蹟無疑

近又得摩詰雪溪圖二物皆董其昌

畫禪室中物因成此詩題於二圖

識得山居子久傳雪溪摩詰釣舟扁畫禪室

裏羣仙侶近日紛來參畫禪

養心殿杏花

昨夜女夷剪絳紗網軒新對一枝斜因思杜  
牧風流向又見清明時節花戲蝶不妨供點  
綴流鶯未許恣周遮色香紛處堪清悟石鼎  
烹雲沃道芽

耕藉日作

掃地為壇式古儀房星晨正屆茲時由來我  
簋嘉盛進都是先農厚貺垂  
甸人治畝平於掌馴特拖犁直似弦慙愧胼  
胝終歲者敢言農務率身先

甘膏纔喜被京畿輭日輕風颭綵旂試上觀  
耕臺上望今年藉禮倍光輝

漢玉鏡臺

蘚花剝蝕虬盤委溫潤酣酣通表裏入土千  
年色不玼香奩右物誰所以承輪有螭昂其  
觜紅顏柔脆故應毀精靈呵護僅存爾個儻  
因思溫長史惜哉世人鮮識此錢塘蘇小抱  
香死置而不用亦其理尚憶秋蟾光若彼扶  
桑掛日枝難比

漫題

消閒習字懶臨帖  
抒興吟詩忌湊題  
後樂先憂原道筦  
朝乾夕惕總天倪

暮春瀛臺泛舟

綠柳絲絲映畫船  
沿洄如坐鏡中天  
杏桃破萼鋪春色  
鳧雁乘波沒曉烟  
錦纜牙檣啾綺靡  
湖光雲影得安便  
棹歌底借黃頭髮  
夾岸鳴禽勝管絃

西直門外

翼路楊絲窄地青  
韶光爾許豔郊坰  
每每膏壤春流繞  
却為觀耕蹕每停  
蘭衢迤邐幾經還  
憂喜籌農那得全  
一雨皇州春色好  
得詩也覺幸今年

暮春圓明園作

經旬未倚畫欄邊  
婉婉韶華頓可憐  
四野雲低頻釀雨  
一篙水漲恰勝船  
茂林脩竹蘭亭景  
烟縷晴絲上巳天  
暫遣幾閒非玩物  
羸將詩句答芳年

上巳日觀虞世南稊帖因成

捨毫快覩永興書林靜烟新改火餘何似山

陰王逸少崇山曲水暮春初

坦腹東牀意欲仙由來字必以人傳若後肥

瘦論形似逐塊錐舟我不然

米家寶晉漏傳名米芾蘭亭跋云唐太宗獲

道趙模諸葛貞湯普徹撫賜學士風流儼若

生腕覆郭填都不管是卷董其昌以為真蹟

春風即景獨怡情

於傳蓄處有波濤真比長安薛刻高甲乙何

須誇博辨昔人集蘭亭刻本多至百種以甲

乙為次又有蘭亭彙考蘭亭辨證書幾多優孟效孫敖

上巳日

風光宛轉入吟評三日猶存稊節名寶馬香

車無所事杏莊柳墅有餘清右軍暢叙還堪

慕開府清新孰與衡心喜輕陰將釀雨漫因

遊賞愛春晴

讀杜詩率題

詩稱杜聖李謫仙吾於甫也無間然韓愈論文要氣勝不合而同甫有焉貫穿今古氣豪邁元輕白俗誠知言吾昔少年時亦曾窺其藩今也時復披卷讀乃知學步非且難乃知學步非且難惟以棄日適幾閒况乎治亂興衰具詩史豈可與批風弄月以為詩者同日而與同時觀

### 慎獨

慎獨之言始曾子子思得之傳孟氏豈惟學

者立身方吾乃因之悟治理常人於不見聞處是謂獨也斯慎爾惟於帝王獨則無長言試為申其旨無論明廷蒞政時如綸如綍謹所始深宮溫室稍宴閒復有嬪嬙及內史視於無形聽無聲意之所向隨方揣耳屬於垣孰踰此千里應違已若彼凡人於獨總宜慎無可獨者當倍蓰乾乾惕若朝繼夕尚虞此意或暫弛武王銘於盤孟几杖洵有因奚啻十目所視十手指



御園耕種

郊南耕耜後苑北弄田時布穀聲鳴矣洪縻  
手御之輕雲籠日嫩沃壤覩膏滋觸景籌為  
政曾無越畔思

園中摘花恭進

聖母

細檢花裳與葉蓂中涓高捧莫衝塵香風逐  
路噴輕霧喜氣迎人報好春遮莫宜詩供點  
綴果然入畫倍精神上林饒有媽風朶為奉

慈顏上巳辰

紅梨

女夷侈神權萬卉爭一日變彼紅梨花芳姿  
豈容閔英英粲曉風裳裳映書室昨來珊瑚網  
撐今看銀雲擲無香良已佳侔色真難匹靜  
觀悟夢華興會蜚吟筆底須惜流陰流陰不  
因厄

北遠山村

山塢溪莊靜絕塵東風輕拂綠波新誰知村

北一川景却似江南三月春  
惠崇畫意半陰晴比似溪村也不爭蠶忌柴  
門無客叩農忙野隴有人耕

柳絲千縷颺晴暉岼轉湖山入望微  
唼藻錦鱗分浪躍近舟白鷺破烟飛

戲題紙鳶

兒童雲戲趁清明一線風光兩翼輕  
列子徒聞旬五御胎仙猶咽九臯聲  
却因吳下初傳製好與簷前共得名

紙鳶一  
名風箏

暫爾高騰還落

地嗤他碌碌待人成

春水泛舟

綠紋新漲含烟翠倒影花光漾  
明媚卧遊名舟隔歲此沿洄  
悠然興在鷗波際因思古語載  
舟謠慢學蘭亭脩稷事先憂後樂  
孟子心海濶天空曾點志

王翬江山勝覽圖

石可跣跌瀑可聽際天繚白更縈青  
江山藉助興不淺意匠縱橫筆有靈  
曲棧人行秋瑟

瑟精藍僧定月惺惺披吟省識非無李攬取  
閒雲席上傳

王蒙山中歸隱圖

草堂趺坐淡無思白石清泉可樂飢藜桂小  
山增慨慕寄言衡泌漫栖遲

香山春望

輕雲淡靄天林靜泉幽地竭來暢閒懷兼以  
尋春事春事日已佳山中更佳致蒼松無改  
色亦復增濃翠緋桃與絳杏依巖秀不媚乳

竇淙玉壯野鳥呼名異綠塍有耕人香陌紛  
遊騎所防逸近怠因知勞向義踟躇一自問  
攬結從何類

玉華寺臯塗精舍作

山椒卜築傍僧庵一室虛明萬景涵暮靄朝  
嵐常自寫橫峯側嶺盡來參杏花已放甜山  
色桂子還韜寶月馥遊歷每教成小憩天然  
佳句座中探

李世倬來奏事因命就臯塗精舍寫前

詩意復得詩一首

精舍琴書精清卿筆墨清適來成勝趣因命  
寫詩情春入山無滓風過樹有聲不須論董  
巨粉本谷神呈

春日駐蹕香山

聊結烟霞意閒探山水清築齋初斷手得地  
即怡情入眼春光好迎人幽事并不渝終始  
志勤政對公卿  
冠嶺開軒迥依巖結宇涼得毋勤土木藉以

閱農桑學圃春盈隴穿池月一方智仁原有  
樂即事戒無荒

暖日此登臨川原豁遠襟閒情非問柳高處  
直捫參鶴鹿傳聲靜松篁引籟深貞觀留好  
句泉石且娛心

聞山東得雨

北方春雨短竟如成例事畿輔今歲幸一犁  
資種植齊鄭麥為秋切切常厘意况復經冬  
早三白未兆瑞頃聞流移衆溝壑將填棄治

安恒目蒿調和更心愧以此常自責敢云厭  
災異置郵傳奏章方收佳音至青齊被膏澤  
沃壤興鋤利稍解眉間愁更積心中思豫洛  
亦我民此雨曾霑未

白泉山雲

山雲釀雨風散之時復風靜雨絲絲已欣二  
麥天漿沃更蘄三月甘膏垂徬徨自憐還自  
問古云知足者為誰

海棠院作

蝶翅花光上巳辰倚楹全勝向來頻畫圖省  
識三分遜時節因緣一樹春

含韻齋玉蘭

竭爾對芳朝皚然映綺寮底緣名木筆為合  
判春韶亶矣堪稱韻佳哉不逞嬌春園紅紫  
纈誰與較風標

詩思

孟子稱原泉盈科喻進修昌黎論為文水大  
物畢浮左右逢其源自得非外求蓄極乃沛

然放海誰能留詩思夫如何將毋同此不李  
杜光萬丈緣自性中流

邇來

一兩羸伸半月眉邇來又覺兩愆期愁懷展  
轉因風劇詩思枯乾待澤滋滿擬麥田芘實  
發縱觀花圃淡無姿近臣慰我還堪待越是  
難堪可待時

題貞觀政要魏徵王珪請送葬二王事  
上表明陳送寢園豈非不忘舊君恩舊君若

問辰羸事死後將何對九原

徵珪平日皆自命敢言者也雖

太宗欲立楊氏為后徵進言乃止然此事豈待立后始為失德哉既為太宗之累亦無以對海陵則上表欲送息隱海陵之葬不過為名之舉耳故詩以刺之

題趙原晴川送客圖

秋日一川晴秋波萬頃明目隨帆共遠心與  
客同征

文伯仁江山蕭寺軸

蕭寺枕清流丹楓色作秋閒僧雲水衲估客  
利名舟鷗鷺忘機慮江天豁遠眸萬緣空半

偈不用悟泥牛

晚陰

相風不動漏聲傳喜見輕雲暗遠天却為望  
殷三月雨定教難穩一宵眠

展子虔遊春圖

柳暗花明霽景霞如茵陌上草萋萋王孫底  
識春遊倦賸得宣和六字題  
軟勒平堤試驕驕晴絲罨柳柳絲長湖光山  
色天然向不用奚童負錦囊

題蘇武帛書事

幾閒披漢史子卿節義垂皓首羈王庭匪石  
心不移漢使天南來常惠詭致辭天子射上  
林得雁太液池言武在某澤以此武得歸耳  
食者無識端謂誠感之智者尚譎詐更謂胡  
可欺胡人縱淳朴豈其無覺知此事有端委  
正言辯羣疑春時雁北鄉止於西北陸其地  
有巨浸浩渺如天池退翎換新羽抱卵育雛  
兒當其換羽際展翅不能飛徒手可捕得無

待矰繳施單于稱武死用絕漢主思適聞得  
帛書翻信武所為生還雖賴天物理固有宜  
郝經用此道公案曾重題

江行初雪歌題趙幹所畫

吳頭楚尾滄江清元冥試令飛初霽驢背客  
寒風打笠江心漁樂舟衝凌蘆腰已折鬚添  
白山頭乍失髻蠹青或見沙觜翁舉網尚有  
船唇兒弄罾夫豈較瘵之不懼衣食切已勞  
經營冰魚凍蟹入盤活誰家羊膏佐軟烹造

物不齊有如此對之令人感慨增瑤機錦綉  
識異物傳來北宋騰清聲奎章學士丹邱生  
畫尾賞元臣一時法眼精品評燭照意移生  
進入署名栗烈畫時不知呵凍幾度方能成

三月廿日

三月廿日圓明園行春駐輦臨芳軒韶光九  
十過八十流陰駒隙真倏然落花流水苦無  
賴紫燕黃蜂紛可憐仲春好雨滋膏壤將謂  
今年勝往年亡何待澤經半月望雲問夜餘



嗟嘆錦階月地縱復佳豈以宴賞忘民艱十

日不雨則無麥誰能畫餅冀大田去歲二麥歉收幸首

夏得兩大田仍屬有穰北方春旱成例事歲歲禱請心

憂煎司農京兆漫相慰無德所致敢諉天

芭蕉

梵典曾聞世界如內空空合外空虛筠竿已

遜兩中響柿葉還輸霜後書

輕雲

幾縷輕雲不耐晴望雲惟覺意怲怲生憎巽

二張先甲亟待元冥卜後庚天際何曾飛石

燕柳邊空自語黃鶯哦詩將謂消愁緒却惹

牢騷觸緒生

丁觀鵬羅漢圖

雲海遨遊睹聖僧觀鵬筆妙貌雲鵬依然誰

認前身是可畏端知後者能

作隊伽梨降應真野鷗都是渡杯身底緣三

鬣難形似機示吾宗迥出塵

兩

牕外廉纖奏響宜五更聽徹尚衣時萬金難  
易三春雨二麥惟爭十日期近作有十日不  
雨則無麥之句  
喜逐月卿衝曉潤望隨膏壤發華滋煩憂稍  
慰還相繼畿輔均霑得未知

宿雨纔收曉雨連油雲陣陣暗遙天不惟登  
麥兼滋黍都道今年勝去年  
遠山如沐靜無塵柳色花光總覺新望雨憂  
勞得雨喜不隨境改定何人

平明三寸驗公田憂未多時喜轉旋仲春已  
得雨望

澤將及一月視計閏猶贏先半月去歲閏三  
常年為厚幸耳  
得兩今歲三月廿五日得雨  
以節候計之蓋先半月矣  
果然厚幸是今

年  
潤潺町畦水漲塘即看浸種蒔新秧  
敢輒相慶夏長秋成日正長



對景真佳矣。看山總沃如。曉寒輕料峭。大塊善吹噓。畫棟差池燕。文波撥刺魚。幾閒心稍適。一試裏綿書。  
東沼含烟渺。西軒挹翠來。所欣町綠重。那惜榭紅摧。水面鷗眠絮。階心鶴步苔。詩懷滋雨後。濡筆待恢矣。

題王詵瀛海卷

海上三山遠。隔塵雲屏霧障。玉嶙峋。底緣絲見。拏舟侶想共。君房採藥人。

都尉由來闕閱家。詩情畫意足烟霞。飽參玉局心如月。遠謝安期棗似瓜。  
漫云海水變桑田。一例鷗汀鶴嶼邊。歷歷肆農還學圃。但心閒者合稱仙。

燕文貴匡廬清曉圖

雲峯天外矗。秋景曉來宜。鴈閣棲霄漢。虹橋飲水湄。錦林扶藪薛。珠瀑落嶸嵒。恍憶銀河畔。青蓮得句時。

牡丹

行集言不集 卷四  
殿春朶倚翠雲團  
雨後憑欄一笑看  
藻繪那能傳月貌  
評量雅合冠花壇  
慢稱京洛名尤重  
信是東皇技畢殫  
絕勝常年相對處  
錦苞猶滴露闌干

進宮齋戒西直門道中作

霽煙低傍御街寬  
帷揭輕輿破曉寒  
綠潤畦欣望處都因一雨便殊觀  
隴麥青蔥穀吐芽  
桔槔無藉慶農家  
香風餅餌吹來好  
早見炊煙幾縷斜

迤邐蘭衢來往便  
每教停蹕問公田  
為農愁苦因農喜  
不識年華幾轉旋

海天羣鶴歌題余省畫

余省畫鶴鶴其性前身應是款鶴師  
在陰鳴和過幽寂海天羣戲放筆為  
奔機角矚豈所論上下左右無不宜  
海上三山隔塵世向聞其名今見之  
蒼松越萬載一色輪囷撐突虬龍枝  
是處豈可居別物舍胎仙也其奚誰  
合羣休息信得地分形飲啄各出奇  
惠然而來

翩然往怡情欲赴中復疑莎垞不于印古篆  
 雲路振迅披銖衣擢距延頸若有抗髀頰  
 耳咸知時引吭彈舌振空谷婆羅叫梵非笙  
 絲昂然黃鶴獨超絕不與眾侶相追隨松巔  
 偃蹇若少憩起被文偉方騎歸衛軒不慕腐  
 鼠嚇阿閣還輕圖籙垂景昭名蹟存寶笈石渠寶笈有邊景昭胎仙圖長卷  
 猶未盡與鶴終始難窮期

太液池泛舟

玉竦橋頭駐六驥溶溶太液一舟通苑花隄  
 柳添煙景弱葦新蒲茁露叢  
 煙中樓閣座中移雨後風光慰後思憂慮勾  
 消詩數首清和恰似去年時  
 漭沆澄波疊翠涵天光雲影遠來叅獨春依  
 葦毯毯白遠嶂踈眉淡淡嵐  
 樹沃濃青花發紅疇人占節報南風是日立夏欽天  
 監奏南風占一般西苑經行處却與前朝迥  
 云五穀熟  
 不同西苑傳膳正望雨際也

自警

有所畏則矜不生見其難斯恃不行雨暘時  
而畏者釋吾懼矜念之將盈臨蒞久而難者  
易吾憂可恃之致傾慄慄乎惴惴乎如臨深  
淵履薄冰因取昌黎之言以自警曰憂其所  
可恃懼其所可矜

三月二十九日作

花扶日影上蝦鬚圖史尋披味道腴愜志多  
緣欣兩足閒尋邴復惜春徂元亨默體消而

息空色從來有若無賸得祈年心獨切頗教  
豐歉繫憂愉

孟夏時饗

太廟

太室穆清地明禋孟夏辰歲時展殷薦  
祀事重躬親曙色今邁豆卿雲擁袂振駿奔  
森玉葉一本溯天倫

題趙孟頫雙松平遠圖

盤拏古幹秋雲表寒空極目霜天曉磊砢白

石護其根棘枝間出麻姑爪童童埴塹相扶  
持下臨仄澗碧環繞會心因憶孟氏言二老  
天下之大老

題牟益擣衣卷用謝惠連擣衣詩韻即

效其體

涼颼颼蕭瑟節序忽已催絡緯吟露莎鴉鷓  
棲夜槐佳人未忍眠顰眉黯如啼舉首見明  
月攬衾對空閨憶遠各呻吟命侶聊招攜尺  
素出文笥平砧列閒階女伴強笑言默喻中

懷哀長短准舊度衫襲別新題不裁雙鴛鴦  
留待君子歸王風咏執簧七月雁授衣圖史  
堪起予往復卷更開高咏惠連詩遑問學少  
非

天恩夜雨

四月朔日

已見郊原雨沛靈又逢離畢叶占星及時膏  
澤催耕亟徹夜簷聲歇枕聽戟戟錦棚應轟  
紫溟溟畫幘更前青明朝封事疇咨處  
志有同然慰在庭

次日御門



御門

凌晨御內朝咨采接羣彥嘉言孰予告庶政  
惟爾蕢稍釋望雨愁未愜求治願周公古元  
括猶坐以待旦欽哉與日深敢恃  
天恩眷

賦得楊花

又見楊花舞清和節令初紛紛豈有辨去去  
總乘虛頰頡迷狂燕唵喁引醉魚詩題供兩  
後畫景稱春餘憎愛全無繫飄沉任所如莫

教頻點硯鎮日籠紗疏

瓷雁

好在沙頭溪觜那勞月宿霜征有質奚憂矰  
繳不材無慮魚烹

錢選秋江待渡圖

白露泣菰蒲秋煙暝碧湖勞情定誰氏矯首  
賦叩湏倒影山銜翠欺霜楓染朱底誇航葦  
渡彼岸却成殊

曹知白十八公圖

擢榦森霄漢盤根育茯苓淮南初得號塞北  
早傳形誰結三冬友孤標萬古青天風吹謾  
謾擬搆韻松亭

御花園首夏

宿雨輕烟罨綺櫺尚餘春色博山屏蒼松四  
季曾無改也覺虬枝分外青

一陣香風遞玉墀却緣錦紋墨辛夷幾餘點

翰消繁慮幸似去年倚檻時去年首夏亦已得雨

婪春破夏日方永委砌篩簾絮正紛最是常

年添悶處底教觸目總成欣

格物

風人咏芍藥而未逮牡丹甚盛始李唐名譟  
河洛間拈毫品花者着眼徒拘牽強與分君  
臣耳食踵訛傳其實本一種亦無相後先廣羣

芳譜牡丹秦漢以前無考唐開元中始盛云試看四生類皆自盤

古權豈其於芍藥而乃特異焉其本殊草木

始蓋受於天木者早發華錦苞誠麗妍香氣

或稍遜凋零迅可憐草者每後時朶讓鼠姑

鮮艷香乃過之榮常兩月連豐此畱於彼萬  
物理固然格物有會心因以成詩篇

藤蘿

深含姹紫淺含紅對處偏宜細雨濛奚啻帶  
垂還髮卷去歲詠花園藤蘿有匪伊垂之帶有餘之句每携春色  
見薰風施松似聽鶴彈舌壓架還招蝶遠叢  
細與評量惟兩字風流卉裏孰能同

商琦嵩陽訪真圖

松風朗助步虛詞少室安年前曳杖遲童子抱

琴那解驪胎仙散耳却知時白雲滂濤丹臺  
靜青嶂穹窿鐵鎖垂玉簡倘逢論位業不教  
海上覓安期  
雲祭齋居  
勤民重農功稽典肇

雲祭

議

雲祭

一向

未舉行

乾隆

八年

始

聖語

重躬

親頻

年謹

從事

北方

春旱

多率

似成

常例

龍

見未屆期祈請先小祀叶每以不能待時先命

禮部祈兩於諸  
小祀以次舉行

南郊步禱時

九年以無雨於雩祭日自齋宮步禱

怛悞責躬備

去歲蚤邀

眷首夏甘霖賜麥無禾則有已是叨

明惠今年乃更幸膏澤春常暨孟夏月之朔

優渥遠爾逮撫時舉常

雩齋居切虔致受寵宜若驚此理無巨細廣

殿引薰風采悤晃新霽慰懼兩相縈要矣終

年計

齋宮疊去歲對雨有作原韻

預日臨齋所前朝足好霖絲鋪新草色翠纂

古槐陰

天貺承逾惕民情靜可斟適然相合處去歲

此時心

新月

新月生西方盈佳度可揣欽天精其數常人

昧茲旨謂月向西行豈有就東理試看蛾眉

時常自申位始既至輪滿夕則在卯宮矣所

見向西者盖不由乎已古人有精喻謂磨盤

走蟻

聞鳩齋宮

作

豈是安排靜六情清齋自覺道心生綠郊剛  
喜含煙潤又聽鳴鳩喚兩聲

零祭禮成有述  
占星龍見後應節兩霑初上祀虔

郊薦崇壇仰

帝車將將陳俎豆濟濟列簪裾念匝三時遠  
誠殷九奏餘瑞雲籠日淡祥燎引風徐連歲

邀

隆貺欽承更惕如

御園初夏

法宮廣殿致齋迴水榭山堂得雨纔茂對清  
和勝往歲西峯又復送青來

飛絮遊絲撲綺寮錦階花色嫩如澆誰知偶  
爾拈吟處偷度春風條幾朝

蕩漾煙光霽景震拍浮新漲半含堤最憐北  
遠山村外翠剡新秧已插齊

老翁犁把耕新潤弱婦筐鉤伐遠揚常在豳  
風圖畫裏那能辛苦忘農桑  
猊噴薄霧簾含波林外金衣宛轉歌贏得幾  
餘罷愁雨好因平秩驗南訛  
魚跳遠浪珠千點燕徹新泥玉一窩看到自  
然該物理越深顯若奉天和

郎世寧撫元人秋林羣鹿圖

秋半雪毛茸伊尼聚曉春寢訛咸自適羣友  
各相從霜葉踈還密朝煙散轉封興賢宵雅

意載咏寄遐悰

漢玉璧

本來猶是崑岡石一片紅雲變英白入土出  
土千年易形如滿月運逾尺天然豈有剗刻  
迹為穀為蒲不可識鼂采內藏土華蝕庇蔭  
嘉穀此其德特達廉貞壽而澤宜登宣室之  
筍席

對雨

灑空時作雨絲絲潤遍園林首夏時倚檻靜

聽寒幔望聲聲色色總相宜

頽魚出水羣承沫紫燕翻空競掠珠一例都

含喜雨意物猶如此况人乎

數日未逾十日度時四月七日祈年恰似去年心

去年春早入夏即得時雨黍高稻下均含澤

茂對清和意倍欽

夜雨

雲容傍晚濃浙瀝更春容簷滴踈而密衾寒薄以重潤添長畝麥聲聞遠村鐘慰後籌量

零年來得幾逢

倣宋人梅花詩意卷各題以句

枝橫却月觀花遠凌風臺阿水

東海有文人高風工吐納恰如橫月枝標花

在嚴臘格稱少而能韻復蕭且颯質麗兩不

傷清濁一以合故宜忘年交沈范欣朋盍

為君援筆賦梅花未害廣平心似鐵

宋廣平璟

開元賢相傳芳規博學工文乃餘事已辦和

羹商鼎調何妨作賦偶遊戲梅花本來心似  
鐵惟其有之言故備我聞所好性相近朱赤  
墨黑從其類不見開元欲末姚宋死乃有沉  
香亭畔牡丹叢裏楊妃醉

巡檐索共梅花笑冷蕊踈枝半不禁

東坡詩 杜甫工部

忠君愛國之意鯨魚碧海之辭萬里風煙之  
地三冬落莫之時雖傲寒如梅也亦將有所  
不禁而先生處之若夷獨巡檐而索笑無懷

氏之民歟葛天氏之民歟夫何不宜

山谷書 踈影橫斜水清淺暗香浮動月黃昏

林和靖通

宋故多儒歆稱深造懿哉君復名不自表林

宗之傳風清月皎有如時雨化物起槁不藥

而愈不食而飽二語出渭南集汗牛充棟梅詩豈少

兩句千古誰不傾倒絕類離倫一班可曉敬

拜下風宜乎米老米元章有林處士讚

多情立馬待黃昏殘雪消遲月出早



蘇東坡

黃昏立馬凍溪邊  
寒逼霜髯聳兩肩  
只為詩裁羞讓古  
不教花品獨稱仙  
蠻江瘴嶺何人問  
冷骨幽香各自憐  
消得色聲香味觸  
月明如鏡好參禪

獨立晚風香滿袖  
無人同詠一枝春

黃山谷  
庭堅

山谷書如張長史  
其詩亦學李王孫  
奚奴挈梅詩意足  
奚管錦囊留墨痕  
梅乎人乎其同

一精神乎底用多言

清香侵硯水  
寒影伴書燈

張宛邨

脩然纈玉枝  
槩几對支頤  
影共寒燈瘦  
香偏鼻觀宜  
不須觀舞劍  
乍可助臨池  
底復凝神坐  
停毫結構時

醉中忘却頭邊雪  
斜插一枝歸竹籬

陳簡齋  
與義

春光消息竹籬尋  
新格斜抽軟玉簪  
侵鬢莫嫌多雪色  
雪於梅是舊知音

叮嚀說與水邊人從今日報花消息

曾茶山

高士必好梅試問何緣因梅豈待高士而後  
益精神天然契合處不可叅根塵偶讀茶山  
詩令我思其人

智愚

智愚智定何如鶴脰休將續彼鳧倏忽鑿  
而混沌死小聰明是大糊塗

新筍

渭南梢已綠冀北苞方紫因憶忘年交不妨

皆君子

宿雨潤蘭谿怒生一日齊試看分寸際便爾

異雲泥

為愛千雲意寧為清夏供長松將古鶴早與

結高踪

戢戢龍新角依依鳥重枝栽培生意在造物

本無私

暢春園之純約堂

皇祖時所建也朕既奉

皇太后駐蹕於此因略為脩葺以供夏清落

成侍宴敬成近體

軒榭貽

皇祖佳名純約垂清温奉

慈豫丹艸挾振施今日成新落清和正好時

指山傾北斗俯水是西池麗景牕中納瑤圖

座上披即看階砌畔應茁萬年枝

浴佛日疊去歲韻

廉纖夜雨枕邊傳

天眷常承獨厚焉饒有對時增惕若那無撫

節慶油然晬盤嘉祉徵圖籙去歲中宮生子

佛鉢良因自竺乾怡憶去年得句日果然歲

歲結為緣浴佛日有結緣之俗去歲詩云額

之句

結緣

此日結緣日借問緣為何如彼澄潭水風過

生微波波本無心生風豈有意過曾聞佛經

云世界成娑婆茵席與糞溷因果理則邾大  
士解脫船為渡癡愛河求解不可得况復結  
網羅或緣弟子輩踵事傳其訛漫謂結善緣  
世得度者多楊葉止啼見恐為惡之因

清暉閣松籟

清暉閣前九株松綠釵經雨何菁蔥童童入  
夏覆佳蔭謾謾傍午吟清風唱于唱喁相前  
後琴筑金石無不有黃鸝巧轉巴人曲何必  
雙柑與斗酒耳根淨後悟憂樂憂憎樂愛誰

因託年來年去憂樂中九株松自清暉閣

晴

時雨既霑濡新晴亦和煦微風湊輕涼清氣  
豁天宇循隄步繁陰傍壠看膏土稻秧揀將  
齊麥穗含將吐憶我屢年來飽識望霖苦今  
年乃何幸邀貺厚且普豈有協和功益勉憂  
勤所三時尚遙遙慰意敢自詡

鶯

漸覺綠陰稠旋聽報栗留似含時雨潤却借

好風流夏入如相識春徂了不愁遼西誰復  
夢送響任高樓

池上居

槐日風清候壺天池上居潤含新樾重爽挹  
午窓虛古調彈聲鶴天機唼浪魚底須費穿  
鑿水到自成渠

乍見錦綉勺旋聽綠玉敲有堂如白傅不雨  
度西郊轉樹鶯求友啣莎雀補巢一泓相對  
處無慮置杯膠

軒楹俯碧流鑑影座中浮堪納水雲意底論  
大小舟風前饒乳燕兩後尚鳴鳩暇日無餘  
事新題每見投

題陸治松壑閒居圖

山樓據勝見山多樓下秋江疊翠波得得扶  
筇定誰氏元都道士訂相過

唐棣朔風飄雪長幅

水如銀度燭還流誰放山陰訪戴舟佳趣不  
教漁父占都官漫道好詩留

往集 卷四十一  
河南得雨誌喜

天時不可必水旱何能齊惟此飢溺心黔黎  
想共知屢勅守牧臣毋詡豐亨詞苟存文飾  
意有司職遂虧一遇賑恤行寧濫毋或遺今  
年被恩早連接甘膏滋王畿千里間盈隴翠  
色披所願遍寰宇時若皆如茲而奈南北殊  
如願安可希豫省苦春旱封章早閱批自此  
望洛雲戚戚常在懷叶每對時雨降卜度凝  
雙眉知近而忘遠彼民其恃誰首夏月將望

時四月十四日嘉音自南來叶連朝盈尺霑芒種  
及期禾黍既種麥收仍半之真堪喜不寐  
益勵乾惕思

洗桐

入夏桐影圓童童覆階砌清吹與踈滴時送  
紗窓裏何來白乳流偏不於柳杞污膩綠玉  
皮漸漬青絲理呼童汲井華澡雪一為洗持  
生意灑然不潔去西子黃蜂辭條端白鶴來  
枝底乃知聲應間理固有所以既無待鳳懷

亦豈因琴鼓古人有同心  
竭憶倪高士

雨四月十日

劉覺炎風近日偏晚涼  
送雨竟宵連天公曲  
意隨人意農事今年庶  
有年頻聽簷聲疏復  
密每霑膏澤惕逾乾為  
欣麥秀禾滋候歌枕  
何妨鎮不眠

涼

夏初非暑候節序宜清和  
胡為驟炎蒸驕陽  
勢漸頗前宵密雨霏昨日  
爽風多旋轉何神

速曉涼切庭阿年來晴雨間  
厥微幾研摩探  
節復數時謂比農夫過此  
雨實靈雨不惟滋  
麥禾煩囂一以滌更復蠲  
百疴近圃殷紅芳  
遠山湔黛螺稍慰祈年心  
平秩驗南訛

望西山山色

西山去此園尚餘二十里  
每從樹杪看近似  
在盈咫常年春夏交望雨  
愁不已峰容翳塵  
霾不敢向西視今歲何厚  
幸甘膏四野被禾  
黍咸佈種草木皆鮮美肆  
日眄西山蒼蔚綠

往集詩存集 卷四一  
如洗蒙者滌而明  
茁者菁不萎乃知造化功  
澤物無彼此

乳燕

雕堂翾乳燕  
首夏復平分  
綯練梳新羽  
頡頏逐老羣  
掠空懷棟藻  
窺戶妬簾紋  
一種供叅翫  
梨花是夢雲

白絲行

陌桑已堪春蠶老  
春蠶作繭圓且好  
縲絲織帛代精工  
忘却西陵奪天巧  
西陵豈識錦繡

段踵事增華吁可歎  
世間萬事率如茲  
我亦因之悟文翰  
知我罪我皆春秋  
權輿錦繡原馬頭  
設使世人不尚帛  
沸鍋誰解白絲抽  
白絲蠶口之所吐  
自縛自戕還自取  
何如菜子出青蟲  
花間常見春駒舞

顧定之新篁古石

櫛蟲文篁四五梢  
斜抽新筍尚含勺  
夏侯貨殖何須數  
却愛凌風綠玉敲

題梅道人洞庭漁隱長幅即用圖間原



韻

木葉微飄秋興生  
牢騷意與大江橫  
閒鷗最是忘機者  
也識煙波釣叟名

湯泉新荷

別浦田田纔見葉  
温池灼灼已開荷  
寒暄誰令殊所托  
遲速因之異幾多  
破曉攜來承瑞露  
停風對去展晴波  
沸湯無礙清涼性  
試看心蓮演梵那

新蟬

柳岸維舟俯碧潯  
新蟬送響出濃陰  
前身應是粘枝蛻  
今歲初聞隔葉音  
聲遠居高欣所託  
暑來寒往動關心  
無多不得其平意  
嘒嘒何緣鎮聒林

香山

我初遊香山朝往暮歸偶因循  
不能捨復厭勞奔走稍出內府資  
買地垂百畝山僧飽囊橐而我足  
林阜一舉兩得之香山宛我有就  
岡導漫乳面嶺開踈牖愛貞植栢  
松惡脆棄

蒲柳脩葺未經年成園已斷手時來駐清蹕  
輒與周旋久林紅霏春深隴綠蘇雨後探節  
復數時課無而責有借問園何名靜宜藏詩  
藪

首夏香山雜詩

松風忽作秋夏山已如滴戛然孤鶴鳴響過  
柯亭笛  
好山如道人益我良不少凡硯欲生雲緣在  
青雲表

嵌竇淙靈脉來往供挹注時出英英氣甘膏  
徧霑澍

今年獲雨早峯翠濃欲蒸指點青蓮朶時時  
信步登

山深見越遙豈在遮林木近隴復遐町滿意  
芄新綠

豁然天宇暢因之眼界寬時有山風吹泠泠  
衣袂寒

山花不識名山鳥兩三聲物物皆自得吾亦

暢吾情

玉筍倚天關  
煙蘿霏澗戶  
山雲傍晚濃  
釀作清宵雨

夜雨

麥秋禾夏際  
所蘄雨澤時  
昨者稍炎蒸  
霑灑薄已滋  
茲復越七日  
切切心靡夷  
田原縱未亢  
頗待甘膏垂  
山雲傍晚濃  
長松點千絲  
聞聲固已佳  
見勢心更怡  
轉恐萬竅號  
忽焉風散之  
因憶常年間  
夏至獲一犁  
已足額手慶

晚禾尚及期  
今歲被恩早  
頗生望蜀思  
人情率皆然  
誰能造無為

玉泉山

香山留信宿  
畧暢煙霞意  
御苑返凌晨  
總此乾惕志  
玉泉東道主  
路便供清憩  
况茲林泉佳  
于焉一停蹕  
軒齋舊所建  
延訪何拘地  
傳餐命衛士  
問政除羣吏  
勅幾時復暇  
攬結成幽寄  
蒙茸蘿薜煙  
蒼蔚髻鬟翠  
黃鶯隔樹聲  
白鶴梳風翅  
招提鐘魚答  
靈湫蛟龍秘  
泛濫

鷗波縐蕩漾木蘭試學飛乳燕驕逐隊蘋魚  
醉天機寓所會物性從其類掾石讀前題忽  
作經年事

熱

甘膏剗喜被公田近覺驕陽勢漸宣赤帝炎  
風毋乃過北方好雨總稀連曾何十日心舒  
也所務三時理固然少讀子車今擬易迄無  
後樂祇憂先

御製詩初集卷之四十一

古今體八十九首 丁卯五

復聞河南得雨

春杪夏初欣時雨蹙眉遠為商洛憂

彼時河南望雨

邇聞屢霑差少慰望雲日夜頻增愁彼處麥  
收還過半趁種禾黍芄如油此則十日期已  
迫况兼二麥難為秋眼前得失紛塞馬而我  
切切無窮休亦思所戒不知足其如億兆衣  
食謀入孝出弟民風淑要先養欲與給求一

夫不獲予之辜變和無術其誰尤嗚呼變和  
無術其誰尤安得宜雨而雨宜暘而暘遍我  
寰宇長蒙庥

題曹夔音山水十二幀

春山新霽

春仲田盤六轡紆千峯雨後翠模糊倚牕竟  
日拈吟處不意今朝入此圖

層巒疊翠

隱軫溟濛逼太行山容霍霍樹蒼蒼恍疑曉

事黃公望

是幅法黃公望

為我讀書開草堂

蒼山飛瀑

畫家誰不寫飛流箇裏神筌未易酬約略指  
南叅活句聽如有響望如浮

秋江漁隱

蘆荻蕭蕭霜葉新闔閭靜對水漣淪依然石  
室磻溪側復見當年跽餌人

山靜日長

佳話從來說霍林巖居清事足幽尋日長山

靜人爭道誰識景綸太古心

秋林亭子

寒篠枯槎間幾株夕陰朝靄萬千殊無多邱壑有多趣妙處天然是老迂是幅法

攜琴訪友

廉折和平理可觀高山流水感多端相逢底用班荆論便向松風深處彈

夏山聳秀

山川繆結樹扶踈大似王家一筆書寂愛濃

青剛過雨白雲旋復罨林間

古木竹石

老榦槎枒恠石獰幾梢煙箒間而生抗懷擬謝柴桑老不與凡柯共向榮

秋江晚渡

坐待舟人不可招打頭楓葉落蕭蕭滄波阿那邊何處便是江南廿四橋

烟雲蕭寺

瀟湘烟雨舊稱奇米友仁瀟湘圖畫尺幅偏

能髣髴之秀發峯姿含潤溥招提結夏放叅  
時

羣峰積雪

卿家知白真知白是幅傲慣與乾坤作粉粧

邨待置身圖畫裏望中已覺十分涼

端陽日漫題

將謂今年過舊歲却成舊歲勝今年去年以

廿八日得雨繼此則甘霖時沛雖二麥歉收而秋成大有今歲以三月廿五日得雨四月望以前連得膏澤麥收秋成均有可望乃自四月望以後至今望澤甚殷麥收亦僅似去

年而大田尚榴紅蒲綠都無色稻下黍高俱  
不知若何云可憐郊外正須盈尺雨溪邊漫弄九龍船自  
慙涵養功猶欠每值憂勞輒忘眠

再疊前韻

略舉為君難一節較晴量雨正年年况逢亟  
待恩膏沛何暇閒將景物憐祈請輒教先比  
屋委輸安可恃方船那當假得洞庭術鞭起  
雨工不放眼

佛手

八閩風候暖佛手出冬花秀質含霜淨幽香  
度嶺賒却難稱色相似欲攬袈裟不必標全  
月清涼本一家

麥秋

北方春旱多十年而九矣今歲邀恩早額手  
稍慰喜二麥綠芄芄餅餌饒堪擬翻因鑒常  
時種少自咎爾常年春旱多農家戒此而種  
麥少今歲春雨佳故春夏之  
交多有以今歲麥必曾因課農便聞諸農家  
豐收自咎種少者子更兼高下田黍稻皆蔥美受寵宜若驚盟

心恒自揣無何首夏半浹旬缺甘雨叶麥乃  
如去年臨秋漸黃萎乃悟得失間反掌誠幻  
已所得憂不多失得憂倍蓰展轉繁憂中害  
其有底止慰意倏已過愁思紛縈起既用凜  
天謔還曰格物理

陰五月八日

油然作雲勢磕爾喜雷音坐起難為意踟躕  
空復吟畏風偏動葉障日已霏林安得傾盆  
沛舒予渴望心



偶閱今歲詩稿率題

今年未度半年期慰望凡三屢閱之

正月望雪  
繼望

雨二月十五以後雨而少慰三月十五前後

復望雨下旬至四月初雨足而大慰四月十

五後復少望雨十九日雨而復慰祈歲要哉

凡此皆有詩至今則又復望雨云

他豈慮劭農性也那能移歟豐未定三秋寶

欣戚憑裁數首詩刻下甘膏亟相待知何時

是放懷時

風

稍有雲生風便隨彭怒猶然鎮堀堞須臾雲

散風亦息豈伊有意教坎珂風則靈矣究無

藉雲胡為者任其簸三春少和今復狂想爭

微雨

例事偏愁我

過午鬱蒸消息佳久旱雲好思杜甫彼人臣

也猶為民况我覩然為人主變理垂方災歟

多此責誰諉縈憂緒旬爾雷鳴日掩光獨臨

階祀頻延佇細點纔零驟霈沓額祈盈尺興

苗雨須臾雲薄風散之益增展轉愁如許

夏至齋居

元祀儼將臨遷坐凜明日讀卦玩金柅無時  
卜石燕豈惟例徹樂早已敕減膳修省切衷  
獨愧以諭羣彥驕陽烈中天炎風蕩廣殿廣  
殿清嚴所尚不禁煬曠傷哉彼稚苗待澤亟  
隴畔日暮未興雲翹首益增歎

夏至日躬祭

北郊  
敢辭炎暑為身謀

方澤躬親祀事修况是常年蒙

厚貺

憶自雍正十年以後屢蒙  
恭代此祭及乾隆元年至今歲無不  
親行又北方春末夏首亟望雨澤率於夏至  
前後獲雨今歲得雨雖早而至今又待澤甚

殷益教此日籲

鴻庥侑筵進

思文帛房俎初登大武牛望瘞不遲韶樂振

廣壇誠意有餘留

憶昔

憶昔

膝下時依依切孺慕北方例春旱歲歲煩  
聖慮殷憂每先期賑恤籌補助常見傳六膳  
有時忘下箸竊謂愁勞過欲慰意轉懼微誠  
荷

恩鑒首肯無訶怒恒於祈請所  
命代申忱素豈知

慈愛中誨訓于茲寓今為切已事早曠况頻  
遇任同

德霄壤漸畏日增遽救幾戒終怠調元愧六

幕叶稍可自信者良心尚如故

北郊迴鑿途中記事

歛秋老麥全無色待澤新禾強半垂烟隴一  
番膏雨後頓教人憶去年時

陣雨

陣雨雖屢作艱致渥且優前朝齋法宮傍晚  
雲脚浮點滴只頃刻旋成霽景收次曉自御  
園有來內侍流問彼以雨勢咸云覺稍稠昨  
因大祀旋園林卜鳴鳩頗覩油然興曾無霑

爾酬詰旦理庶政召詢卿尹儔告我昨在京  
眼見盈澮溝竒哉彼雨工何獨無緣投豈其  
果有意避我如相仇欺飾中涓常于彼奚深  
求國是夙所倚不宜逐悠悠或者欲慰我我  
寧易慰不匪誠未足信誠然益可憂

曉涼

一雨將成仍不果頗覺曉涼切青瑣涼遲雨  
意熱固佳又懼驕陽勢如火日甚一日百憂  
煎展轉思量無一可

董其昌山居圖兼和其韻

濃淡天然實間虛林巒深處辨烟墟詩成屢  
縮搯觚手為對香光劍舞書

柯九思竹石

抹月披烟迥出塵櫛椽倚石矗新筠為思愛  
竹洋川老一寫精神便逼真

詣黑龍潭祈雨

孤懷仍夜月卜候慶晨霞  
諺云晚霞晴早霞陰屢有驗者敢  
謂一誠格其如百慮加瀆煩虞不告澤沛冀

無涯細點隨歸轡心希消息嘉

批宣化奏報得雨摺漫題

火種刀耕瘠苦州及時得雨庶登秋因批欣  
慰旋停筆却望中天慰變愁

雨五月廿一日

急風驅殫雲倏忽天際馳剛憂望復孤翻幸  
密雨隨始看迷遠山旋覺濯庭枝沛然作盆  
傾簷響明珠垂所惜時不久纔得二寸滋東  
西十里外來往人之辭云已十分霑此事吁

可竒昨自龍潭迴龍神果有知應無遠近分

豈其偏所私黑龍潭左近亦報透足緊予德誠薄示警

固如斯而民其何辜輒以災歛貽予向曾有  
言譬之方伯司愆尤設自召亦惟懲罰之詎

因彼一人罪民夫豈宜疾痛呼父母

皇天尚鑒茲連朝固難冀盈尺庶可期聞之

田家言秧苗遇旱時其根至黃泉不雨猶可  
支雨不霑且足助長翻成萎根或至中斷神

農難為醫展轉悟政理屯膏我不為

欲雨

欲雨難為意延俄轉怛切先虞風復作稍幸  
日全韜禱向明神切心緣區寓勞原田將圻  
兆顛望沛恩膏

雨

濯枝纔作繼盆傾聽屢垂堂望倚楹却幸黍  
禾今立起果然  
天地有權衡生衣乍可涼微切翠簟還欣氣  
頓清自慰自慙還自勵漫因憂釋志旋盈

愁經幾許慰如之始悟憂欣摠自貽但似去

年亦足矣誰教初望乃過而春夏之交較舊

常有今年勝去年之句無何而望澤轉殷

仍歛收及今始得膏澤但祈此後雨暘時若

得似去年即雲容屢視踈濃霰雨力頻量寸

尺時患失由来勝患得為厚幸云郝曾有喜近臣知

詣黑龍潭謝雨

前朝詣靈潭籲禱真微感細點隨歸轡傍晚

雲容黠陣雨中夜零所望猶覺欲曾未踰三  
日霑霈盈溝坎茲來謝神貺農事沿途覽雅

往集言不集 卷四十一  
苗如助長肥緣朝萐萐詎即希歲豐乍可弭  
早歎叨佑良已多能格吾豈敢

初遊大覺寺

靈淵謝神貺古寺問佛津趁此山路便况逢  
雨霽辰清爽拂人面微風襲草芥禾黍連遠  
村勃然生意新暘臺是寺山名也最高峰未得意  
已欣迤邐入林廬便與步法門石橋似虎溪  
菡萏搖漣淪一一蓮花上疑有天女倫月相  
魏殿中調御信獨尊雲湫洩山半下注如垂

紳循流登其巔乃至水之源不溢亦不涸徹  
底石粼粼時復見泳遊故知非凡鱗稍憇白  
板室洒然誠絕塵鳥語似談梵樹影全標真  
擬叅大覺旨翻歎語句頻

是日復得詩四首

上方遠塵市古蹟冠祇園

西山名刹甚夥而最遠亦最

幽而林裏纔尋徑橋邊早得門毒龍知已制

伏席宛然蹲

門內二石俗名卧龍伏席

一撫松陰碣

是寺

皇考在藩邸

時曾出資

心驚電影存

遠公白蓮社勝槩至今留

紅門內石橋俯波有蓮盛開

耘鳥覩浮辨經魚集仰流到山如入畫當夏

似披秋膏澤欣霑被詩機得少酬

傑閣橫霄漢金容泯古今風旛底叅偈泉石

此娛心隱楮窺明鏡循巖聽暗琴

寺後嵌隙泉滙為

方池引其流自岩而下凡僧寮香積無不周

從來耽靜地是處暢

幽襟

好山能作雲為我倏氤氳變幻峯增態色空

意總欣伊蒲何用飽淨茗一為分小憩禪房

靜青楓送秀芬

無韻學問如林守萬松野隈

夏日香山

今自香山香吹陵

雨足心懷得少閒輕輿乘興到香山靜聽玉

乳宗新脉愛看烟蘿濯翠鬟

望中雲樹香難分步步幽芳遞野芬應是山

靈知客到旋從樹杪暫開雲

我到香山如讀書日新境會領徐徐朱樓延

爽當風峭綠野含滋正雨餘

鶴林玉露有名言即景因思一陟樊興洽路



旁肥綠稻憂忘階下茁金萱

望玉泉山

香山固絕佳精舍佳之寂盤盤歷蘭磴童童

陰松盖九夏清涼地三秋廣寒界是處畜桂

景坐來衣袂寒望裏心神快禽音佛真偈雲

容山變態應接了不暇妙達有餘會

望玉泉山

我初遊玉泉雲巘固已陡今自香山看如列

巍培塿乃悟境無窮學問戒株守萬殊理則

然擴充吾何有

雨後

雨後山泉壯津津吐靈脉香發垂簷花潤逼

依垣石珠聲咽雲竇帶影拖嵌隙三春望澤

時一滴難為益雨足可無藉偏覺溝澗窄何

如彼滄海不涸亦不溢叶

雨香館

蒼蔚林扉秀端知與夏宜山風常送霰霧雨

不拘時鶴瘦松得友苔圓石點棋坐叅兼倚

詠奚必句多奇

兩香來鼻觀真合獨稱靈遠壠蓬蔥綠高峰

樸亞青潤疑逼衣履秀每罨牕櫺落落長松

下因思劬茯苓

題曹夔音江山秋意圖

翠壁丹楓霞雲閑天澹時片帆隨日落秋意

與心期曲棧千尋俯危樓萬里披捫參攀蜀

道回首重遲遲

丙宅行

丙宅鱗接西山下若堂若斧胡為者豐碑負

屬森插笏像設縱橫礙行馬我偶披徑問招

提田舍翁言鄙可思云非巾幗埋香所亦非

台衮騎星遺前代貂蟬竊威福富擬公家積

珠玉苦無孫子可貽留高墳不惜金貴築我

聞此語吁可嗟視之誠比長陵奢剝下陵上

有如此千秋興廢縈懷賒甫節魚童車戒凜

未若朱氏為尤甚洪武家訓夫豈忘祇以防

微術未審生殺予奪誰所操由來罪不在若

曹太阿倒授斯有漸門生天子徒悲號

六月朔日自香山遊聖感諸勝即景成

詩得五十韻

太行分秀幹永定貫陰精燕都之山皆自太行發脉永定河自

塞外來夾兩山之間孕鬱成靈局崔巍護帝

京天開丹地迥日照紫蕖明萬馬相奔突千

支各拄撐一峯尊華嶽八景冠燕城最愛香

山好因之別業成常留雲館蹕便閱黍田耕

新喜霑膏雨餘閒趣快晴簡能延吉士咨采

接明卿是日引見吏部月選官適可驅輕騎奚須建翠

旌欣飛頻訓論綠刺戒縱橫碧漢翔雲點青

椒爽籟迎蘭衢何宛宛桂埒此行行谷口分

泉澗村頭輭草坪指南仍未改是日出香山南関折而西

度嶺而北始至聖感記里任徐鳴丙宅雄堪

詫貂璫橫可驚西山山下明代寺官墳墓甚夥

乎明明懸炯戒歷歷入吟情西轉登盤嶺北

瞻闢霧棖遙知景所會未到意先平晻靄蒼

林合逶迤白道縈人楓將鳳栢白芷更華華

似阜似堂接如宮如畝并岵岵殊崩劣磈磈  
 競崢嶸澗雪聲猶壯松濤響自鏗  
 聒枝爭鳥雀跳樹擲鼉鼉既狹方開豁如夷復律崢隔  
 巖標窳堵攀磴俯翬甍信是羅延窟巍乎象  
 教程梵音海波動寶相月輪呈  
 頊蒸還輝斗堯曉擬見羹聖感寺內  
祖賜匾最多復有  
賜海岫和尚松軒因小憇綉壤一迴晴信  
御筆條幅  
 矣神都麗煌哉天府宏富加惟強教泰保惕  
 持盈行漏催傳箭歸輿旋委衡寶珠遲展眺

寶珠洞在聖感之上是日未至

法苑舊騰聲蘿磴原堪接  
 躑躅礙生靈源淙磴隙幽處結株楹由聖感西南行

下山墜為龍王堂有泉滾出

馴鴿聽經白游魚醉藻頰滴

珠纔瑣碎瀑布遂琮瑋古寺棲巖迥歌簷帶  
 石傾丹青看剝落布施孰經營佛自圓通者  
 時而興廢更靜觀聊遣慮遙問不知名石迳

盤紆下招提結構清

大悲寺在山腰至是始合去路云

皮經

還有閣卓錫祗餘莖素具升高志今酬望遠  
 盟香臺霏法雨天樂下雲龔年小猶長日暑

徂行屈庠蘆溝橫蟠竦石景轟瑤瓊指日將  
登岱蒼然覽巨瀛是日降旨以明歲東  
巡祀孔廟登泰山

聖感寺眺遠

西山至此更無山故是明堂結局處南臨平  
埜千里餘况鮮林嵐蔽虧慮我詣精藍禮佛  
罷山齋雖小足清趣窮目何須百尺樓因迥  
為高萬景赴夙聞聖感結遐想不見雲牕見  
烟樹今朝塞幌俯帝畿瀛海蓬山乃畢露因  
知見不貴拘墟天高鑒卑理則固

龍王堂

古廟山坳裏披榛磴道賒樹生剝竿石鳥啄  
淨幙紗水府石林秘香臺花雨斜所希惠時  
若霈澤始京華

大悲寺

林麓忽開處居然見上方松風吹袂冷山果  
落茶香替戾鈴聲靜逶迤鳥道長停鞭一迴  
首霧靄已蒼茫

善琴者唐侃村居西山下是日過其廬

因題

百戰歸來志未磨

唐侃旗人也隨大將軍費揚古出征昭木多頗有功

在軍中猶以琴自隨至雍正年間始賜副都統銜予告家居

卻耽小隱意

如何臨泉興寄猗蘭搥築室情同安樂窩幽

賞漫隨孤鶴去劇談常喜野人過一揮應令

四山響覲面真師薙益多

香山曉景

踈星隱碧天殘夜漸明發未辨楓柏色早遞

蕙蘭醇露重蜨翅低月留鶴夢歇倚楹味平

日澄觀興無竭

驟雨

殢雲忽迷南北峯驟雨洗淨峰頭松無類珠

傾萬栲栳有情畫浴千芙蓉溟濛紫碧幻晴

晦果然神妙符分龍湏更返照樹頭掛萬澗

琴音一律同

翠峯高處置笙歌

玉華岫置法曲一部自香巖室隔谷招

之奏小令數闋巖谷湊響非復人間絲

竹聲如在武夷虹橋間也因賦是題

隔谷雲門奏依峯鳳吹清左招起止節曲盡  
澗巖情似降仙宮調渾非塵市聲度松添縹  
緲拂水致縱橫地遠無嫌急居高乃益宏不  
緣聆始作安得繹如成

松路仙巖歌題王蒙所畫

我久思題松路仙巖王蒙所作之長歌意有  
弗快把筆欲吟行復捨試語去聲巧遲拙速論  
詩流應有聞之掉頭長咲者是時快雨初霽

長烟收值我香山偶消暑畫耶境耶兩適合

况當勤政

香山正殿名

召對之餘幾務寡日中必

龔搯刀割時不可失興會惹反愁渾渾浩浩

難為拈亦惟就其所具天然邛壑一粗寫嶺

雖險而可登磴縱窄而堪下峭笋天齊飛流

珠瀉古木恠石支撐厝厝翔鳳閣於木末知

誰悟乎般若盪扁舟於溪濱又誰釣竿之獨

把曾青相蔽虧紛不辨梧櫝更愛閒閒結茅

屋高僧彷彿東林社雄乎博乎鈐山堂之舊

物而畫禪室所藏也

自香山迴蹕圓明園過玉泉山小憇

閑情一為少林間如滴山容過雨餘迴首來  
青吟賞處白雲堆湧萬芙蓉

秀木佳陰小立遲甌香硯淨鎮相隨子西詩

句閒中領正是日長山靜時

沙甯依微露漲痕禽音鶴唱靜中喧雲添山

態生瑤嶂風送花香到網軒

薜蘿烟裏陟丹梯原隰平臨綠意齊咫尺林

泉得佳趣好山何必論高伍

雨中泛舟

誰解盆傾萬斛珠天龍游戲祇斯須榜人漫  
慮衣衫濕風雨歸舟正好圖

片雲剛上遠峯連忽送千巖響瀑泉色相細

叅難得句水晶國裏小遊仙

驟雨驅雲晴亦速沙汀漲退綠波涵樹蟬聲

亮荷香淨一綫斜陽天蔚藍

瓜



涼供厨人案生機園客寮來禽分應讓蒲鶴  
品先標五色何須炫三庫適可消江村思杜  
甫得句入詩瓢

題姚文瀚梧陰清暇園

地僻門深迨暑宜綠梧團影弄差差紛陳王  
謝家中物細檢晉唐以上詩童子擘瓜如切  
玉胎仙啄木似敲棋翛然古處會心別豈在  
姬尊與妣彝

題曾夔音溪雲山雨圖

濃綠樹迷複嶺淺紅霞抹遙天頓覺風涼雨  
濕許渾詩意悠然

舟過萬壽寺

西海遙遙一水通出城偶試布帆風門出西直

橋乘舟直達聖化寺別墅易招提平枕清流

舟循流而下即至圓明園也

澈真偈當前印色空遇淺泊之殊鈍置乘風迅爾却輕豪誰知到

點評量處二到即不點點即不到白足僧人望

轉勞

荷芰香風坐闔閭岸蟬聲亮靜聽諸西山送

雨如飛瀑是日舟行遇雨漲影旋高幾寸餘

假山過雨應流翠寺中假山湖石為之勢甚古古鉢生蓮

定作青望裏回增新悟境由来意想勝身經

剪園蔬賜大學士及內庭翰林

快雨喜新晴景物無不嘉農田高下足菜圃

生意加我偶出葦町問彼園人家攜筐爾何

為采擷毋乃過此非稂莠比豈慮妨嘉禾老

翁咲而言所賴暘雨和紅芽與紫葍怒生不

延俄設其惜弗取過時徒老柯語良合至理  
凡事戒蹉跎分賜趁朝涼露香慰齒多變理  
有共責詎止供逶迤

荷

白是銀雲紅是霞雨餘香遠透牕紗十分神  
韻誰能畫六月春光無比花孤鶩橫飛蒼岸  
外輕舟一繫綠波涯就中迥異尋常處不惹

塵心長道芽

沈德潛給假葬親畢還朝詩以賜之

朋友重唯諾况在君臣間我命德潛來豈宜

遽引年

有謂德潛既老得歸鄉里可不復來者德潛之去也朕賜之詩南國欣歸陸東門漫擬疏則德潛

之來實合在公之誼云

瀧岡表阡罷白駒

來賁然即此至性肫令我俞以憐書錦匪所

誇孝烏或致焉席前陳民瘼不負予諮延兒

輩粗知書善為道孔顏

先是德潛未到即有命在上書房教皇

子書

### 飲金魚

金魚魚中譎可看不可食而反被人憐潛泳

殊自得常叨投餌惠訖無上鈎厄彼鷄能司

晨酬以稻梁澤彼犬善守戶敗肉匪浪擲爾

魚獨厚幸恩波託太液日費九十餅尚歎霜

降迫繼不無竊饋飽食日以息

園中例自穀雨始至霜降

日飼魚九十餅然養魚者率竊食之故戲及云

文采洵可觀問汝曾

何德虛糜莫甚茲畜爾誠奚益

### 蕉牕夜雨

種蕉滿牕外綠葉日以披所為雨中聽更愛

清宵時奏響間簷溜吟籟答喬枝田疇既已

律集言不集 卷四十一  
霑寄興乃在茲瀟灑有餘趣踈密無不宜即  
境米家法何須命畫師

喜晴

雨暘其利同惟時為難矣極備無皆凶因悟  
中庸理夜雨初欲霽曉煙高漸起爽風西北  
來天畔雲盡徙青矗遠峰尖紅重香荷吐高  
軒起碧紗一覽風物美迨却周宣憂適得盤  
古喜

率題風

東北風雨西北晴較量既久知其徵今日西  
北風而喜前月西北風而憎憎兮喜兮風不  
知日兮月兮無窮期

題李世倬踈林亭子

胸中常有萬里意一溪一壑亦無窮契乎妙  
者倪雲林近來董邦達李世倬頗能工遠山綠滴  
雨洗後喬柯籟爽夏長中笠亭四柱不為窄  
暮靄朝嵐面面通憶得曾經似此最佳處乃  
在盤山之幽甘澗東

題李世倬秋崖獨步

秋山一壑清秋空萬里明杖藜獨步人心與  
孤鴻征

伏日

短至閱三庚形家稱數伏消息萬古經何待  
筮而卜雲容常滃滃山意增潤溽樂此池上  
居移彼雨中竹心閒鳥語靜風清花氣馥舊  
學得商量論孟從頭讀

泛月

晚風微拂暑全消漸湧冰輪天沈寥蟬噪螢  
流紛曲浦梧疏荷淨澹清宵  
畫船如近水樓臺鑑影波紋面面開最好虛  
明叅色相底須絲管侑樽壘  
汎漱鷗波盪槩遲紅橋鴈齒座中移吟髭羸  
得增如許載月依然舊歲時

雨中荷

片雲驅雨過荷塘綠蓋難遮紅錦裳徒倚水  
亭清俗慮初禪堪悟色聲香

予有谷風之詩也

其聖聖而此詩也

雨中

其賦也信

其賦也信

其賦也信

其賦也信

其賦也信

其賦也信

